



UKA 2018/104

18. oktober

Aqqaluk Heilmann

**Kalaallit Nunaanni pinerluttulerinermi Inatsimmi § 20 imm. 2-p allanngortinnissaa pillugu danskit naalakkersuisuinut attaveqaqqullugit Naalakkersuisut peqquneqarnissaanik Inatsisartut aalajangiiffigisassaattut siunnersuut, taamaasilluni unioqqutitsinerit imaluunniit inatsimmi § 99 naapertorlugu unioqqutitsinerit ilungersunartut immikkut taasat pisortanit unnerluutiginnittussaatitaasunit eqqartuussinermut utaqqisitassamut atatillugu unnerluutiginnissutissanngortillugit.**

(Inatsisartunut ilaasortaq Steen Lynge, Demokraatit)

Nunatasinni inuiaqtigiiusugut inatsisitigut illersorsinnaassuseqarnerput ersarissumik pisussaaffiliinikkut inissittariaqarpoq.

Inuk kinaluunniit nikanarsarneqarsimaguni akornutaasinnaasumik isigineqaataanut aammalu ajoqutaasinnaasumik tatigineqaataanut, inuk innarlisarneqartoq illersorneqarsinnaasariaqarpoq inatsisitigut.

Aqqusinerni sumiiffinnilu tamani kiisalu facebook atorlugu inuiaat kiffaanngissutiminni pisinnaatitaapput qanorluunniit oqaatingerusutatik annissorsinnaallugit. Tassa ajunngilluinnarpoq tamatta isummersorsinnaagatta.

Kisiannili takornataanngilaq inunnik ataasiakkaanut nikanarsaasarnerit annertuallaartut allaat inuup assingi atorlugit ajoraluartumik iliuuseqartoqartarnera.

Tarnikkut annersaaneruvoq akuersarneqarsinnaanngitsoq inummut ittoortitsilersinnaasoq peqqinnanngilluinnartumik.

Taamaattumik siunnersutigineqartoq taperserparput ataatsimiitaliamullu innersuullutigu.

Taamaakkaluartoq sukumiisumik eqqartorneqarsinnaaqquillugu nalilersuisinnaaqquillugillu ataatsimiitaliamut ingerlaqqinnissaa innersuussutigaarput.